

RIJEČ GLAVNOG UREDNIKA

Poštovana akademska i stručna zajednica, čitateljice i čitatelji,

Imamo čast i zadovoljstvo predstaviti Vam novi, prvi u 2022. godini, broj časopisa "Uprava", naučnog časopisa za upravu i upravno pravo. Časopis "Uprava" u kontinuitetu od 2010. godine objavljuje naučne i stručne radove i analize iz različitih domena uprave i upravnog prava. U novom broju, koji Vam predstavljamo, objavljeni su sljedeći radovi: PRIMJENA ALGORITAMA MAŠINSKOG UČENJA U DONOŠENJU ODLUKA DRŽAVNIH ORGANA (Dženan Šašić, Zerina Mašetić); ETIČKI RINCIPI U JAVNOJ UPRAVI FEDERACIJE BOSNE I HERCEGOVINE (Ensar Bugari, Amar Kozadra); JAČANJE KOMUNIKACIJSKIH KOMPETENCIJA DRŽAVNIH SLUŽBENIKA U PRUŽANJU JAVNIH USLUGA (Adis Holjan, Seid Masnica); ŠTA SE DOGAĐA SA SUDSKOM KONTROLOM NAD OPĆIM PODZAKONSKIM AKTIMA U BOSNI I HERCEGOVINI? (Kemo Sarač); DEVIJACIJA ETIKE U POLITICI I DRŽAVI (Adnan Džafić, Amar Kozadra) i SPECIFIČNOSTI UPRAVLJANJA FINANSIJSKIM INSTRUMENTIMA ISLAMSKIH BANAKA (Ivana Ražnatović, Lejla Tuzlak)

Teme predstavljaju važan segment u razumijevanju, saznanju i spoznajama koje su od naučnog, ali i šireg društvenog značaja. Tematske cjeline koje su obuhvaćene ovim brojem časopisa predstavljaju kombinaciju različitih pristupa javnoj upravi i svim drugim aspektima koji su u manjoj ili većoj mjeri u vezi s upravom.

U periodu nakon objavljivanja časopisa broj 1/2022, Urednički odbor je radio na daljnjem povećanju vidljivosti časopisa "Uprava" u novim međunarodnim bazama podataka. Rezultat zajedničkih napora u tom smjeru je nedavno referiranje časopisa u šest novih međunarodnih baza podataka: Erih Plus, DRJI (Directory of Research Journals Indexing), ISI (International Scientific Indexing), ROAD (Directory of Open Access Scholarly Resources), CiteFactor i ResearchGate. Također, zahvaljujući dekanu Fakulteta za upravu prof. dr. Emiru Tahiroviću, zvanično je pokrenuta procedura indeksiranja časopisa u Web of Science (WoS) bazi podataka.

Pored zahvalnosti Uredničkom odboru na tim uspjesima, posebnu zahvalnost upućujemo i svim autorima i saradnicima koji su dali i koji će i dalje davati veliki doprinos u povećanju vidljivosti časopisa.

Zahvaljujemo se, još jednom, našim autorima, čitateljima, redakciji, organima upravljanja Fakulteta za upravu i Univerziteta u Sarajevu, predstavnicima naučnih baza u kojima je časopis indeksiran i svima koji su doprinijeli razvoju časopisa u proteklim godinama.

U ime redakcije časopisa, srdačno Vas pozdravljam i preporučujem ovo izdanje.

Doc. dr. Ermin Kuka,
glavni urednik časopisa